

地 220. 57
38

新 = 1

山陽魯仲實著編

圖說 建置 川瀆

民賦 湖灘 河灘 運灘 屯田

學校 貢舉 軍政 官師

忠義上員弁紳民

忠義下流屬列女

雜記 附裁後

江蘇清河縣志 附編

序

同治癸亥九月補刊清河縣志成余既跋其後矣閱二
年清河築城之役畢版築旣竣人民漸歸邑人吳比部
昆田感於十年之間斯土興廢之故延山陽魯茂才贊
商訂爲清河縣附志吳比部之言曰清河志往事備矣
然以今視昔河流之遷變城市圩砦之增易與夫營制
屯田之改造學宮書院之修置忠臣孝子義民節婦之
表彰皆斯邑之大端不可以不志於是證諸公牘兼采
見聞爲清河附志二卷持示不佞屬爲弁言披閱再三
掩卷太息余以不才蒙

清河縣志

附編序

聖恩拔擢由牧令逮總漕待罪十年於茲矣前宰斯邑
不能預籌防衛致遭蕩析今則水潦時至河流之保障
無術也寇氛肆橫城砦之守衛多疎也營屯之需餉未
充學校之士氣未振忠孝節義之湮沒且多也附志之
舉殆將滋余咎乎比部曰事不做不更不創不繼意量
無可滿事業無可竟人之欲善誰不如我畱此以遺來
者不亦可乎姑從其請而爲弁言以志余愧茂才爲同
歲生魯君子蓋能世其家學者也同治四年歲次乙丑
十月上浣頭品頂戴署兩廣總督兵部侍郎兼都察院
右副都御史漕運總督兼管河務盱眙吳棠序

清河縣志附編卷之一

圖說

新建縣城圖

南北鄉土圩圖

新建縣署圖

清河縣志

附編卷之一

新建縣城圖

城週圍計長一千二百七十
 三大六尺五寸高一丈八尺
 城門四座東曰安瀾西曰登
 稼南曰迎薰北曰拱辰東北
 小水門一道東西水閘二座



北土圩在次黃堤西有四百
 祠迤西裡運河堤根起東至
 臧家馬頭東首運河堤根止
 長一千四百四十七丈三尺

吳黃沐

清河縣志增編目錄

卷之一

圖說

建置

川瀆

民賦

湖灘

河灘

運灘

屯田

學校

貢舉

軍政

官師

清河縣志

增編目錄

卷之二

忠義上

員弁

紳民

忠義下

流寓

列女

雜記


增裁

禮

清河縣志


坊編卷之二

南土圩在三帶河北堤西
自二公祠迤東運河堤
根起東至雲嶺堤根止
長一千三百二十二丈一尺
東西橫徑各長三十四丈



西

河營候補千總邑人邱振四繪



建置

府縣志書率數十年一修蓋徐俟其變遷而續纂之清河縣志刊成甫十年而局勢則大變矣原縣之得名以河工爲要務事鉅費繁論者或以南河習氣爲戒然隱民亦藉以取食焉自河流北徙河帑改發官票而河員貧至恃灘租釐金防寇之資爲生計而漏卮之灌不可究詰僚吏商民無不行歎坐愁冀倖於北水之南歸南糧之北上冠蓋蕭索市井淒涼日蹙蹙矣迨宿永寇至倉卒徵兵歌筦乍停獐獐驟集長街十里頃刻風煙屋宇十存二三士民百餘一二昔時金穴遂邱墟矣

清河縣志

增編卷之一

五

先皇帝懲前事之非

嚴旨諭飭數載經營所辦何事不過屢額帑餉羨此無用之輩而已於是盡汰河員而以漕臣兼治之復設淮揚鎮總兵改修防爲操防誠通變宜民非得已也

今上紀元命漕臣督師浦垣乃急爲補牢之計而兼爲未雨之謀修圩築砦旋築石城故寇三入境民不知警自餘修學宮葺官署劾及於壇廟祠宇百廢具舉至新營制立屯田尤其變更之大者若夫畱修防之營試糧艘之運蓋懲末流之弊而亦不忘前事之師焉茲事體大不及今詮次懼歲久而莫可稽也輒爲增編二卷前

志首疆域今無所改移故以建置爲首修葺者不紀創
建者紀改建者紀燬者紀

清河新城在運河之南同治四年成南圩在玉帶河北
北圩因汰黃隄而增高之同治二年先成並漕運總督

吳棠建

吳棠新建清河縣城碑曰咸豐元年棠宰清河

嘗竊竊然慮之而非非常之原黎民所懼且必有以無戎
而城尼之者噤莫敢先發十年捻寇東竄浦垣失守披
猖不可制同治紀元棠以江甯布政使兼署漕督奉

命駐浦督師痛定思痛爲堅壁清野之議維時邑紳

先築土圩北因汰黃隄南臨玉帶河有緒未成迺相度
地勢縮而小之葺而完之又於其中築甌圩北臨運河
東西與南各就窪下之地濬爲濠適兵火之後瓦礫滿
塗卽以燼餘之完者爲之蓋略仿古人羅城子城之意
而未敢信其足恃否也未幾流凶漸集人心大定始毅
然剏石城之議大致依甌圩之舊而東南稍廓焉昔時

清河縣志

附編卷之一

六

河湖隄岸舊有甌石自形勢變遷無關修守奏請以爲
工用並燔其石以爲灰其椿木之不堪朽壞者亦搜取
之以承其址庶幾化無用爲有用邪許版築靡間寒暑
經始於三年之春至四年秋而工竣計長一千二百餘
丈爲門四曰安瀾曰迎薰曰登稼曰拱宸凡用白金十
一萬兩有奇皆於清淮軍需及餉鹽變價畱縮得之也
嗚呼浦垣盛時歲靡帑金數百萬稍擗節焉以爲城其
可也忽焉不圖今乃圖之於兵燹流離之後度支匱乏
之餘晚矣棠起家縣令以迄今日蓋與邑民爲緣者最
久自維艱危備歷無奇謀秘計爲民捍患而濫膺
天獎洵躋崇秩惟此與民相守之誼差足以自信者共
信故不憚約言卑論而詳述其緣起如此若夫民保於
城城保於德有不專恃樓堞之堅完者此尤後之君子
所當深維而熟計者是役也督修者淮揚河務兵備
道吳世熊淮安府知府章儀林監修者候補知縣師長
樂前署縣事者龍寅綬今知縣事者玉亮例得備書

縣署在總漕行轅之東少北本庫道署同治二年署知
縣龍寅綬移建署之制有堂三重 廳事二在二堂之

東西其北為知縣宅 大堂之外為吏房東西向 庫
在二門之東 廡又在其東 福德祠在庫之南 監
在大門內之西其北為典史宅 前志縣署在斗姥宮
南咸豐十年燬於捻寇今改為都司署 其地在今署之
東凡前志所列
縣治四到與今不合
者渾此求之可見

咸豐十年既汰河員以總河署為總漕行轅 咸豐十年
燬惟存荷

芳書院漕運總
督吳棠重建 庫道署今為縣署 中鎮府署今為淮

揚鎮署 都司署今為中營守備署 參府署今為中

營遊擊署 外北主簿署今為參府署 海道署總督

行署西揚道署並燬 新揚道署燬而復建 同治四年
揚道吳世

清河縣志 增編卷之一 七

熊建仍
其舊址

倉之燬者豐濟倉

義學之燬者忠敬學 中營義學一 燬而移建者行

修學 在漕院行轅
東文昌閣後

堂之燬者積善堂 慈幼堂改為忠義祠

河南諸巷其廢者青雲巷 郭家巷 一在河
北者存 古洪門巷

閻家巷 河北諸巷其廢者擡花巷 美祿巷

井之堙者觀音樓前井

坊表之燬者雙當鋪街節孝坊 擡花巷南節孝坊

全河鎖鑰坊 永慶平成坊 河防鞏固坊 物阜民

康坊 平江澤遠坊 平康正直坊 到此是岸坊

後海坊 古倉北門坊 燬而移建者淮河保障南國

津梁二坊 在今縣治大門外左右 前志所遺者節孝坊 一在娘子

莊鎮 為張岱母 鄭氏今圮 一在濶橋鎮 為丁雲程 妻楊氏 一在永豐鎮 為

璵妻 蔣氏今圮 又貞女坊在永豐鎮 為王氏女許字 劉湘坊今亦圮

樓之燬者草市口三門樓 張仙樓 太平樓 平成

樓

閣之燬者文昌閣 元帝閣並在仁義窪 新建者文

昌閣在漕督行轅之東 同治元年漕運 總督吳棠建

祠廟之燬者清江浦樓西東嶽廟 古關帝廟 大橋

清河縣志

增編卷之一

八

口王公祠 陳潘二公祠 護國大王廟 馮烈女祠

重建者西關帝廟 咸豐五年升入中祀 入 年河督庚長重建有碑 燬而重建

者學宮西偏黎公祠 馬王廟

寺觀之燬者大佛寺 廣廡庵 全慶街地藏庵 直

隸厰三元宮 禪悅社 燬而重建者昆廬庵 移建

者團圓宮 在趙家 妻內 濟雲庵 在趙家 樓東

其鄉鎮之創建者安涉橋碑在兵六堡 咸豐五年知縣 吳棠建碑略曰

余之復葺南清河也當東南厭兵之際百廢紛如未遑

修舉治以北有孔道焉蓋自南來朝 京師者以是為

登陸之首塗雍正六年建石馬頭十有八丈嘉慶中引

而長之厥功未竟輪摧蹄陷行者勞苦又其上游兵六

堡迤下道光中疏為小河橫貫而東木柱之梁於是乎

建日月崩隄弗堅弗任願以方隅之未以安歲事之不

稔自大府百執事以迨邑之人謳往吟來懷而有待釋
子廣達結庵河上憫斯道之崎嶇慨焉奮其願力袒臂
大呼手口俱瘁自道光二十九年至咸豐元年凡建石
路若干丈又自咸豐元年至四年續建石路若干丈已
而改建木柱之梁以爲石橋旣礱旣鍛欄盾翼如工旣
成乃謁余而名以命之夫平治險阻繕葺津梁有司守
土之事也故樂著其事以告後之君子有所紀循焉
建 茶亭碑在汰黃隄 咸豐七年 河督庚長

燬者中河主簿署在楊家莊 馬頭巡檢署在馬頭鎮

御碑亭二在馬頭鎮一在風神廟 御椿亭在禦黃

壩 龍亭在米市 河西大王廟在米市 河神廟在

順黃壩 金龍大王廟一在鳳陽廠一在下壩一在順

黃壩一在下馬頭 龍王廟在禦黃壩 三元宮在楊

清河縣志

增編卷之一

九

家莊

清河縣治無城鄉民亦多散處咸豐九年漕督袁甲三
以地當衝要議築土圩爲先事預防之計而人士習於
太平憚興大役疑於無寇而城議遂中寢及十年之變
官斯土者率以無城藉口獲未減焉十一年清江浦居
民痛懲前議始思築圩眾力遷延厥功未竟同治元年
漕督吳棠因其故址踵而增之不閱月而告成乃推行
清野之策各鄉皆得堅築圩砦實穡牧其中後賊果益
大至至無所得倉風湧雲馳卒饑困顛踣以去而清民
不廢居業蓋驩然知有生之樂焉今採著各圩依鎮類

次明前之所以擾踐今之不至靡子者以諗後之人

王家營圩在王營鎮 朱家集圩在王營東北 大興

莊圩 丁家集圩 沈家圩 王家圩在娘子莊鎮

張家集圩 鄭家圩 孫家本莊圩在永興鎮 劉皮

圩在劉皮鎮 澗橋圩 五里莊圩 石家圩 丁家

糖坊圩在澗橋鎮 袁家集圩在浪石鎮 徐家東澗

圩 潘家圩 仁和圩 杜家圩在新興鎮 湯家集

圩 曹家圩 楊家蕩圩 沈家圩 王家圩在金城

鎮 王家圩 蔣家大莊圩 吳家大莊圩 劉家小

圩在永豐鎮 三棵樹圩 王家圩在三棵樹 漁溝

清河縣志

圩編卷之一

圩在漁溝鎮 馬頭圩在馬頭鎮 王家圩 陳家集

圩 陳家西圩 南王家圩在吳五圖

川瀆

前志述川瀆鉅細分合備於一縣之書可謂詳而法矣
自咸豐元年河決豐工

朝廷發帑堵築較之歷次大工爲省然越兩年告蕪費
已不下六百萬三年夏復決時海內多故議修築未果
五年決河南之蘭儀縣北穿山東張秋鎮之運河走大
清河由利津入海於是河勢不復南行王營以下至海
口遂成平陸矣海口在雲梯關下本爲淮水入海之道
淮爲四瀆之一瀆者獨流以入於海也昔黃流南徙奪
淮灌泗并爲一塗及刷吳城六堡洩河入湖高堰淤而

清河縣志

增編卷之一

十一

引河塞運口湖源日絀湖漲則啟山盱各壩以洩之禮
字河尤其大門戶也黃河徙而糧舟廢無事蓄清以濟
運禮字河亦遂不閉粵賊踞天長六合轉恃此水以爲
限其由束清壩入運河者唯盛漲乃得十之二三百而
運河所受則新有山東蒙沂諸水

自順清河來匯入中
運河向由雙金閘入

鹽河者今則
分流南注

蓋自黃流汜濫徐州境內之微山駱馬諸

湖淤墊民皆耕作其中每際盛夏山河暴漲直趨運河
分灌鹽河六塘而王營以下之舊河身亦澎湃震盪駸
駸乎有大河之勢焉然則昔之河奪淮而兩皆爲用今
之河去淮而一無可資淮水爲主不可棄也東水爲客

不足恃也通其變而制其宜因乎天者又恃乎人矣爰
敘其概而詳其裁併畱復之制於後至境內諸小水有
關於農田之利害者則仍未暇及後之君子有欲爲民
興利除害者乎前志備具可按圖而次第舉也

咸豐十年部議裁河員以漕督兼筦河務改河營修防
爲操防同治二年漕運總督吳棠奏原設之修防中河
營筦理清桃運河修守埽壩隄岸現有工程非乾河可
比其中河營兵二百九十九名與運河兵二百七十四
名內共酌畱二百四十名以千總一員把總一員協防
一員分汛駐防工作歸新設徐州府同知筦轄又裏河

清河縣志

增編卷之一

十三

營筦理山清兩岸長隄上承束清壩中運河來源工段
險要修守不可偏廢請畱修防將原額兵二百九十名
內酌畱一百二十名以千總一員把總一員協防一員
分汛駐防歸淮安府軍捕通判筦轄其餘兵丁裁撤堡
夫亦裁經部議覆如奏四年五月奏請復設淮揚道以
裏河蓄宣關鍵均在清江以上軍捕通判駐札淮城恐
難周顧移歸淮安同知專筦駐札清江浦其同知所遺
堰盱汛地改歸通判兼筦

上從之

黃河旣徙黃河之隄工埽工壩工不復增修其隄工之

在開曠者居民閒犁爲田埽工漸次朽敗惟壩工具存
同治三年清江浦築城將壘石爲基以舊黃河之減水
石壩無關修守疏請圻用報

可

自咸豐二年全漕改由海運之後糧船停運者十二年
同治四年試行河運以軍需餘款購米三萬石僱民船
裝運於清江浦兌收齊集開行赴京江南境內運河無
阻惟山東黃河穿運之處淤淺須加濬導計到京以三
月爲率

民賦

湖灘

河灘

運灘

屯田

清邑民賦前志言之詳矣近歲以來自咸豐十年同治元年蠲免積欠以外餘無得而紀焉善乎前志之論軍政也曰近收湖塹之間田遠清葦營之正額使耕戰相雜不費一餉而數萬之師可坐致於麾下夫屯田者蓋民賦之支派而軍政之實效也無事則耕作以示旋抽之暇警至則荷戈以壯袍澤之威歷稽前代具有成績清邑區區以蕞爾之地然常爲南朔之衝要齊魯恃以維藩逆賊迴翔窺伺數年於茲矣藉如簡閱軍實分配餘田僱俛經營足成勁旅初道光二十八年河水大漲

清河縣志

附編卷之一

古

河督楊以增爲壹切不得已之計由吳城六堡洩河以入於湖湖乃頗有淤墊益南徙而北境田頗腴美咸豐五年方議招租墾作其中以增卒事未竟六年冬河督庚長竟事奏可九年復奏墾續涸田若干頃案甫定而賊至卷牘荒失同治元年漕督吳棠復加勘丈定則奏聞此湖灘之大略也自河流北徙下游涸竭庚長奏以河運兩灘分別招墾久無成功咸豐十一年漕督王夢齡以修防改操又浦垣新設總兵鎮守不得不廣儲兵倉奏請於未經墾佃之處試行屯田之法劃予各兵督耕充餉冀以自然之利養有用之兵吳棠踵行其事履

畝爬薈凡三稔而告成此河灘運灘屯田之大略也今
晰而載之且推本前志以爲緣起云

一洪湖原尾草灘共地二千一百九十七頃七十五畝
四分八釐五毫

一除撥給清河縣學暨文筆峯字紙局荒熟地九十八
頃六十五畝九釐八毫

一除撥歸淮揚鎮標中營牧馬荒熟地七十五頃七十
畝三分五釐五毫

一除路法溝河墳基窪廢等地七十二頃十四畝三分
一釐八毫

清河縣志

村編卷之一

五

一除給鰥寡貧民地二頃十一畝二分五釐七毫

以上四宗核除不計外實存招領承租地原灘人壽年
豐四號計地八百五十五頃三十九畝三分二釐八毫
尾灘暨草地時和世泰四號計地一千九十三頃七十
五畝一分二釐九毫二共計地一千九百四十九頃十
四畝四分五釐七毫

一原灘上則地每畝征租一百七十五文 中則地每
畝一百四十文 下則地每畝九十文

一尾灘下上則地每畝征租九十文 下中則每畝七
十文 下下則每畝五十文 草租每畝四十文

以上共應歲征租錢一萬五千五百九十七千一百八十五文除災緩不計外所有實征一款撥歸軍需支用按庚長原定歲租上則地每畝征錢二百五十文中下則亦照今數不符嗣因吳棠以咸豐十年賊蹤蹂躪墾戶流離奏請酌量變通以次遞減定為現在實征之數又以湖水濟運有關瀦蓄機宜未便復賦陞科致妨將來轉漕大局故止奏請一律招租

一河灘招領地清河境內共地二百一頃七十畝七分三釐二毫

一運灘招領地清河境內共地三十四頃十一畝五分六釐四毫

一河灘屯田在清河境內共地七十頃二十八畝四分

清河縣志

增編卷之一

共

運灘屯田一百一頃五十一畝五分八釐一毫

一河運兩灘征租地計清河及他縣大數共應歲征租錢五千四百八千一百四十四文又阜甯原領海灘歲應征租四千五百三十四千九十五文二共征租九千九百四十二千二百三十九文

一新設淮揚鎮標總兵一員改操參將一員遊擊三員守備五員千總五員把總八員外委十九員共計歲支廉俸銀八千七百九十九兩七錢六分五釐

以上以租錢一千抵俸銀一兩由縣征齊除撥解鎮標改操官弁廉俸外仍存錢一千一百四十二千四百七

十四文撥歸崇實書院經費

一邳睢宿南北桃南北外南北山海安阜各營歸屯荒熟官地共計二千五百四十六頃八十畝

一改操左右宿遷蔣壩城守等五營共兵三千四百六十二名內馬兵二百六十二名每名派地一頃戰兵六百八十三名每名派地七十五畝守兵二千五百十七名每名派地五十畝又餘丁三百四十名每名派地二十五畝

一各營官弁馬兵共馬三百八十三匹每匹應給地一頃十二畝有奇

清河縣志

增編卷之一

七

以上按畝照熟七荒三劃派五營兵地共計二千三十二頃七十五畝又餘丁地八十五頃有奇除劃分外仍存荒地四百二十九頃撥給各營官兵牧馬

一連中裏河三營歸屯荒熟官地共計八百二十九頃四十畝有奇

一淮徐揚同知並淮安軍捕四廳共隸千總四員每員派地四頃二十畝把總四員每員派地三頃二十畝協防九員每員派地二頃外設協防十二員每員派地一頃六十畝經制効用四十名每名派地一頃二十畝戰兵一百十二名每名派地七十五畝守兵六

百八名每名派地五十畝又餘丁四廳共計一千一百一十一名每名派地二十五畝

以上按照荒熟搭派共計撥給弁兵地五百一十二畝八十八畝又餘丁地二百七十七畝七十五畝二共撥給額地七百八十畝五十五畝

按此外仍派存地四十八畝八十五畝有奇一劃撥邳州嶧陽書院地十五畝有奇一撥給各廟香火地八畝四十畝一撥給中運廳書識紙張地一畝六十畝一撥補裏河領戶挖廢地四十七畝有奇中運河汎弁公費地六畝一撥給新安直河巡緝委員經費地三畝除五宗分撥外約仍存荒熟地十四畝有奇

學校

新縣學宮同治四年漕運總督吳棠重修

吳棠重修學宮碑記畧曰

清河新縣學宮建於道光四年外南同知萬承紀有記甚詳時黎襄勤公為河督河工方盛而眾議紛紜僅而集事蓋剏始若斯之難也自後失脩咸豐十年捻逆竄浦垣大成殿燬焉逾年同治改元棠以江甯布政使署漕運總督奉命駐浦督師下車見此惻然弗敢安百廢待舉莫此為先原建規制宏敞弗容省嗇以改其舊兵燹之餘訪求大木良久始得之乃尅期鳩工百堵偕作就其址重建大成殿九楹左右迴廊八間並補兩廡之敞漏者殿之前為大成門為櫺星門為左右二坊為映壁其東為奎星閣殿之後為東西齋為明倫堂為崇聖祠為尊經閣為兩校官宅並因其舊而重葺之惟櫺星門前東西增為繚垣圍奎星閣於內並於兩坊之中樹柵以上行者匪惟懼褻亦兼採形家言也經始於二年之春再閱歲而工竣督脩者淮安府知府章儀林署淮安府通判黃倫秩署清河縣知縣查祥考龍寅綬監脩者候選知州王錫齡候選游擊吳璜綜理微密無

清河縣志

增編卷之一

六

閒寒暑有足嘉者例得附書

清河舊為中學附學生員二十名武學生員十二名同

治二年文武生員廣額各三名計附學生員二十三名

武學生員十五名永為定制

自咸豐三年至同治元年清邑捐輸軍餉共銀三萬

二千七百餘兩漕督吳棠奏請援例加廣學額以銀三萬兩加文武學永遠定額各三名以銀二千兩推廣一次文武學額各一名自癸亥年歲試為始

學田

一 洪湖新灘租地九十頃

一 湖灘字紙局學田租地三頃二十七畝二分四釐

七毫

以上二條係照奏案填敘不除窪廢是以與租冊不符

一 中河清汛鳳凰嘴等處學田租地六頃八十四畝
零

一 學宮左近民房基地學地六十五畝零

一 天然引河學田租地九頃九十八畝零

以上共地一百十頃七十四畝二分四釐七毫

前志名宦祠祀二十人今增祀二人江南河道總督張

井咸豐六年增祀江南河道總督楊以增十年增祀二人均見前志官師凡二

十有二人

前志鄉賢祠祀十有五人今詳請增祀一人廣東肇慶

府同知丁如玉見前志人物

清河縣志 增編卷之一

臨川書院 在漁溝前志以官吏占居將假而不歸書院延師乃別賃地所反覆惋歎深以為憾近數

年來占居者率皆遷徙書院延師授學乃一如初制云

崇實書院 舊在禹王臺西同治元年漕督吳棠移建運河北岸海神廟之側歸安錢振倫為之記畧

日清河舊有崇實書院在玉帶河西偏咸豐十年宿永

氏廢園宏敞與舊院埒重葺治之額仍其舊辱延振倫

為主講並購經史其中俾諸生以時肄習每歲漕督甄

別而道府縣與海州分司運判月遞課焉時河督已裁

缺費絀甚邑有學田若干頃歲久多欺隱乃以次清釐

歸其半於學而以其餘入書院為田九十三頃有奇歲

可得租銀三百五十兩錢九百千有奇又賣應灘租歲
撥錢九百千有奇又阜甯海灘歲租錢一千千有奇又
淮北鹽勛餘款撥錢五百千歲可得息錢六十千凡東
脩膏火與夫考試供頓校官薪水吏役飲食咸取給於
是而歲脩不與焉始終經畫規制井然皆邑人吳稼軒
比部所贊成也袁浦自河督駐節承其流者率以靡麗
相尚比者瘡痍初起物力耗減而土之舉於鄉者乃轉

多於曩日論者謂物莫兩大其卽崇實之見端歟 按
刊碑時書院歲脩尙無經費嗣後漕督吳棠以歲脩
文廟經費撥銀四十五兩爲
書院歲脩之資成定案云

書院經費田

- 一包家河兩岸學田租地十一頃十五畝五分
- 一浪石鎮北灣學田租地八十八畝
- 一金城鎮學田租地一頃十五畝
- 一太平西官莊學田租地四頃六十畝
- 一外南順黃壩護堤柳地學田租地七頃四畝四分七釐九毫
- 一馬麻橋學田租地八十畝

清河縣志

增編卷之一

三

- 一文筆峯學田租地四頃八十畝三分三釐四毫
- 一永豐莊學田租地十二頃六十七畝五分三釐五毫
- 一毫

- 一太平工學田租地八頃八十九畝四分九毫
- 一山陽燕家社學田租地二十頃
- 一石工頭學田租地八十畝
- 一外南塘河土山學田租地六頃二十八畝三分九釐九毫
- 一張福口引河兩岸護河學田租地十九頃九十八畝三分七釐

一太平引河護堤學田租地四頃三十七畝七分五

釐二毫四絲

此案未定

一石工頭堤根小橋東西學田租地二頃九十畝三分六釐二毫

一陳少介等定案田旁學田租地二頃二十二畝三分一釐七毫

一黎公祠香火田頭學田租地八十六畝六分四釐一毫

一劉皮鎮學田租地三十五畝

以上共地一百九頃七十九畝九釐八毫四絲

清河縣志

增編卷之一

三

一撥寶應湖灘學租每年共錢九百九十六千三百七十四文

一撥阜甯海灘學租每年共錢一千一百三十三千九百八十一文

一撥黃運海灘租錢抵充各營廉俸內餘阜甯海灘學租錢十四千六百九十八文

以上共租錢二千一百四十五千五十三文

貢舉

舉人

王璵 咸豐乙卯 汪黎獻 己未 張廷坤 同治甲子 王豫鳴 甲子 劉衍

甲子順天榜 狄俊 甲子賜

貢生

吳檀 咸豐二年恩貢 朱寶善 二年恩 周子漢 三年恩貢 蔣利仁 四年貢 李

宗良 五年恩貢 張嘉祥 六年貢 張慶雲 八年貢 張玉堂 九年恩貢 王兆

楨 同治二年補試辛酉拔貢

軍政

前志述軍政遠溯前明崇禎漕督路振飛團練義勇於清江浦

國初清河縣汛本屬漕標雍正開割漕標三營隸河標旋設中營駐浦而縣治以東卽爲漕標之分地頗以河營單露爲慮自河流北徙捻逆東侵宣防之務輕則捍禦之責重其折而隸於漕督固勢使然也夫害不百不變法

聖人與時消息亦因其自然而已咸豐十年御史薛書堂等請汰河員部議添設淮揚鎮總兵駐清江浦歸漕

清河縣志

增編卷之一

三

督節制以河標中營副將爲鎮標中軍遊擊畱中右兩營并廟灣洪湖佃湖三營本操防也其餘二十四營并爲蔣壩宿遷蕭睢豐沛桃源安東山阜高郵葦蕩左右凡十營悉改修防爲操防共汰存官一百三十五員兵九千五百二十三名仍令漕臣核議同治二年漕運總督吳棠以蕭睢豐沛勢難遠轄山阜高郵毋庸添設旣以清江爲重鎮則駐浦之營兵力宜厚請以外北營兵及安東餘兵爲清江城守營安東汛屬焉以蕭睢營兵改爲淮揚鎮標左營與中營同駐清江浦其桃源營改爲桃源汛屬之右營而蔣壩宿遷葦左葦右悉如部議

台之河標原額之右營廟灣洪湖佃湖共十一營悉隸
鎮標凡兵七千一百五十三名又河工雖裁而清水七
營險工如舊酌留弁兵七百餘名歸新設同知及淮揚
丞倅筦轄餘悉汰之較諸原議又裁官六員增一員裁
兵九百六十三名經部核覆如所奏四年五月奏請復
設淮揚道以葦蕩左右兩營專司樵採仍歸淮揚道專
筦

上並從之前志詳載俸薪新制屯田以租抵俸以田抵
餉具見民賦至裏河中河酌留兵弁則詳川瀆云

清河縣志

增編卷之一

三

無定而清江浦爲南北咽喉應暫駐以資扼守并歸漕
運總督暫行節制

河標中營副將改爲鎮標中營遊擊裏河營守備作爲
遊擊中軍守備原額兵六百八十九名隸焉

河中營都司改爲城守營都司專司清江城守及巡防
倉庫監獄等事以安東汛餘兵二百二十一名與外北
河營兵一百二十八名隸焉併駐清江

江南河營參將改爲淮揚鎮左營參將其守備作爲左
營中軍守備以蕭睢營兵九百九名隸焉駐札清江
共兵一千九百四十七名

官師

自黃河北徙咸豐十年

先皇帝俞廷臣之請大汰河員裁江南河道總督以漕運總督兼筦河務凡裁道缺二廳缺二十州同缺五州判缺三縣丞缺十有九主簿缺二十有一巡檢缺十有六其隸清河者淮揚道裏河外河同知外北中河通判裏河外河縣丞裏河外北中河主簿馬頭巡檢是也河庫道缺先已裁撤同治四年復設淮揚道又以淮安府同知專筦裏河汛地駐札清江浦先以裏河廳改歸淮安通判此文職之大凡也其武職改設已詳軍政外南北營並裁而

清河縣志

增編卷之一

三

中河營如故今別標漕運總督以明河務之稟承其餘仍舊者續之新設者增之缺裁者續至最後之任而止

黃壽豹

即墨人舉人咸豐五年九月承吳棠之後任清河縣事以十年浦垣失守去官

王清安

大興人監生十年閏三月署

張肄孟

巴縣人監生十年正月署

萬青選

宛平人監生十年

一年七月署 查祥考

涇縣人監生同治元年五月署

龍寅綬

臨桂人舉人二年四月署 玉

亮 蒙古人四年六月任

右知縣七人

韓慶均

汾陽人監生咸豐四年閏七月承秦守中之後復任清河縣丞

謝敦惺

信豐人監生五年

年七月署 謝祖馨

餘杭人監生六年七月署

包振家

涇縣人監生六年八月署

王葆昌

懷甯人監生七年八月署 翟開甲

涇縣人監生八年十一月任

陳受章

新城人監生十一年三月署陶祖厚南城人同治元年五月署郁傑安福人監生二年五月署
梁昭鼎遂溪人監生三年六月代理徐錫根德清人監生三年七月任

右縣丞十一人

李頤上元人舉人咸豐八年十月李廷業金匱人舉人九年七月署

喬光縉海州人歲貢十年二月署董楨江都人增生十一年十一月署

十一月周嘉楨睢甯人廩生元年十二月署端木陞江甯人廩貢四年五月署

承誥江都人增貢四年九月任曹壬泰甘泉人舉人咸豐四年七月承季璋之後署清河訓

導陳煥新泰興人舉人五年八月署汪杰上元人舉人六月署阮嘉言上元人舉人八月署

人舉人八月署張士傑海州人廩生九年五月署江昌吳縣人舉人九月署

雨田高郵人附貢十年十一月署董楨見前十一年十一月署葉鑫六合人附貢同治元年

清河縣志

增編卷之一

三

年十一月署花芸培邳州人附貢元年十二月署于應圖泰興人附貢四年四月署

右教諭七人訓導十一人

王樹薰涿州人咸豐十年六月承章鴻徐元浩餘姚人監生十年七月署

一年七月署王荃大興人同治元年七月署周壽彭廬陵人監生二年六月代理楊疇

新城人監生李德慶竹谿人監生三年八月任

右典史六人

嚴錚大興人監生成豐五年十月屠湘波會稽人六年九月再任

朱世笏仁和人監生十年五月署張建堂會稽人同治元年四月兼署沈雲翔會稽人元元年

六月任張淦山陰人監生三年三月任

右巡檢六人

邵燦 餘姚人進士咸豐六年正月承楊庚長 滿洲人六
以十年浦垣 後以漕督兼署河道總督 庚長 年三月任
失守去官 王夢齡 大興人十年五月兼署 吳
棠 見前志咸豐十一年十二月署漕運總督同治二年
任按此下復有富明阿三年十月以江甯將軍兼署
漕督不數日而吳棠復任緣駐
札揚州行營不莅清境故不紀

右河道總督三人 漕運總督一人

朱善張 平湖人附生咸豐八年十一月承郭沛霖之後
任淮揚道十一年缺裁歸併徐道同治四年復

設 吳世熊 仁和人監生同
治四年四月任

右淮揚道二人

路崇 盩厔人同治四年二
月任淮安府同知

右淮安府同知一人 新設

清河縣志

增編卷之一

亥

朱善張 見前咸豐五年十月承于鍾照 秀水人監生江
昌進之後任裏河同知

綬麟 大興人監生九年九
月任 以後缺裁 章儀林 同安人監生咸豐
八年十月承鍾照

之後任外 李翰華 鄭州人監生十年正
南同知 以後缺裁 馬壽齡 吉林
監生成豐四年承邢廷詔之

後任外北通判 以後缺裁 江綬麟 見前咸豐五年
之後任中 李會文 直隸通州人廩 祝壽齡 大興人十
河通判 生九年九月任

虞采 諸城人監生十年五
月署 以後缺裁 談壽齡 宛平人監生咸豐
光之後以馬頭巡 郭銑 武威人舉人五
檢兼署裏河縣丞

年七 張朝珍 磁州人監生
月署 七年四月任 劉于浚 南昌人監生
汾陽人監生 毛晉芳 大興人監生九年十
八年十月任

咸豐四年十月承鄭煥 吳鳳儀 大興人監生
文之後任外河縣丞 五年九月任 祝寶森 甯
陳燮埏 見前

陳燮埏 安平人
舉人六

韓汝賢

韓汝賢

人附生八月署王如春文水人監生九年六月署韓汝綜大興人監生十年十月署

後缺吳士榮涇縣人監生咸豐七年六月任查有純嘉善人監生八年七月

任監生以後缺裁江慶安見前志凡任外北主簿九年而缺裁溫紹

照承顧浚之後再任中河主簿王蔭福正定人附生四年六月署江

慶安見前四年張壩大興人監生五年四陸採宛平人監

生咸豐七年四月承談王如瓊廬陵人監生九年二月

壽齡之後任馬頭巡檢王如瓊任在職死難見忠義

韓儀亮宛平人監生十年四以後缺裁

右裏河同知三人外南同知二人外北通判一人中

河通判四人裏河縣丞七人外河縣丞五人裏河主

簿二人外北主簿一人即前志中河主簿四人馬頭

清河縣志 增編卷之一 三五

巡檢三人凡三十有二人

俞元相大興人監生咸豐七年四月承王柏齡八年三

劉心沐九年二陳桐十年閏繆振烜大興人監生同劉

澧宛平人監生四鄂肇文臨清人監生咸豐六年七

官開程子壬仁和人附監生蘭世勳吉州人監生張建

堂見前七年王宗相宛平人監生咸豐三年九月承

段雲鵬江夏人監生三葉懋本錢塘人監生吳特元滄

人監生七年四孫啟燮大興人監生程長生仁和人監

月署見忠義月署姚熙會稽人九年鄭肇文見前咸豐四年七月承

開官六年段雲鵬見前四年帥長樂韓城人監生周濱

大興人七年任 **陳官縉** 餘姚人監生同治三年代理 **沈廷樑** 大興人監生四年三月任

右清江閘閘官六人惠濟閘閘官四人通濟閘閘官

七人福興閘閘官六人凡二十有三人

蔡天祿 見前志凡任河營參將八年而缺裁 **楊振華** 清河人承張泰之後任淮揚遊擊

王增祿 清河人守備兼署以後缺改歸蔣壩 **頁松** 睢甯人承楊廷樑之後任裏河營守備見

忠 **王增祿** 見前志以後缺改歸中軍 **夏松** 見前承張泰之後任外南營守備 **劉佐**

義 **王增祿** 見前志以後缺改歸中軍 **石榮** 清河人承羅秉志之後任外北營守備 **唐桂森** 清河人

羅秉志 見前志 **張啟泰** 清河人以後缺裁 **吳太平** 清河人承丁建堂之後任

中河營守備

右河營參將一人 即前志所載 淮揚遊擊二人裏河守備

清河縣志

增編卷之一

三

二人外南守備二人外北守備四人中河守備一人

凡十有二人

聯昌 滿洲人咸豐六年承覺羅恩需之後任中營副將 **舒祥** 九年任見忠義 **袁世功** 銅山

人十年任以後缺 **德興** 滿洲人咸豐八年承沙振青之後任中營都司 **朱**

太平 山陽人十年任 **奎英** 滿洲人十年任 **蔡冠倫** 海州人武進士同治元年任以後

缺改為城守營都司

右中營副將三人都司四人凡七人

龔耀倫 銅山人咸豐十一年任淮揚鎮總兵 **歐陽利見** 祁陽人同治四年五月任

右淮揚鎮總兵二人 新設

袁世功 見前同治二年任鎮標左營參將 **張德華** 無錫人寄籍清河同治二年任鎮標

中營 游擊 蔡冠倫 見前同治二年 周長政 清河人同治二年任中營

中軍 守備 施殿魁 清河人同治二年任左營中軍守備

右鎮標左營參將一人守備一人中營遊擊一人守

備一人城守營都司一人凡五人 新設

徐本寬 清河人咸豐初年承周 周長政 見前十 金殿華

清河人咸豐初年承周 鄭長春 清河人 李文斌 以上同

右城守千總五人

高志忠 清河人咸豐初年承任兆鯤 吳靄臣 十年 楊文

高 清河人同治元年任 任兆鯤 見前志

右舊城汛新灘汛千總共四人

清河縣志 增編卷之一 三

陳輔平 咸豐初年承鄭通之 童振華 十年任 趙維新 丹徒

人十一年任 以後缺改為南路汛

右宋集汛南路汛把總共三人

李殿祺 清河人同治二年 王錦標 清河人同治二年

右楊莊漁溝汛把總各一人 新設

